



Verwysing: 20191021-619
Lêernommer: 12/12/41/1
Navrae: Verwys na paragraaf 7

Omsendbrief: 0041/2019

Vervaldatum: 31 Maart 2021

Aan: Adjunk-direkteurs-generaal, Hoofdirekteure, Direkteure, Kringbestuurders, Hoofde: Bestuur en Beheer, Adjunk-hoofonderwyskundiges, Adjunkdirekteure by distrikskantore, Hoofde van preprimêre skole en onafhanklike VKO-skole, en Prinsipale van gewone openbare skole met graad R-klasse

Kort opsomming: *Inligting vir alle rolspelers oor toepaslike aansoekprosedures vir Vroeëkindontwikkeling (VKO)-subsidie en ander sake.*

Onderwerp: Graad R-subsidies en ander VKO-verwante sake soos vir 01 April 2020

1. Graad R-toewysing

1.1 Toegang tot inligting

Die norme en standaarde (N&S)-toewysings vir graad R vir die boekjaar wat strek vanaf 01 April 2020 tot 31 Maart 2021 is op SOBIS beskikbaar. Toegang daartoe kan soos volg verkry word:

- Teken aan op SOBIS.
- Klik op "Proceed", kies dan die "Administration"-opsie op die kieslys en klik op "Norms and Standards Allocation" en kies "N&S 2020".
- Druk die bladsy.

Let op die volgende:

Toewysings word bereken volgens die "National Norms and Standards for Grade R Funding", soos gewysig in *Staatskoerant* Nr. 29179 van 31 Augustus 2006.

Die toewysingsbrief sluit 'n gedetailleerde uiteensetting van die geprojekteerde toewysing vir die 2020/21-boekjaar in, asook voorlopige toewysings vir die volgende twee boekjare, nl. 2021/22 en 2022/23.

Alle toewysings is op SOBIS-leerderinskrywings se getalle bereken.

1.2 Berekening van graad R-toewysing

Goedkeuring is verleen om 'n subsidie vir leerders in die volgende ouderdomsgroepe (soos in 2020) in goedgekeurde klasse by gewone openbare skole, geregistreeerde VKO-sentrums en onafhanklike sentrums vanaf 01 April 2020 te betaal:

- (a) Leerders wat 5 word voor 30 Junie
- (b) Leerders wat 5 is en 6 word
- (c) Leerders wat 6 is en 7 word, met vryskelding van verpligte skoolbywoning

Subsidie per kapita:

| Tipe inrigting | Nasionale kwintiel (NK) | Skoolgeldstatus van die inrigting | Bedrag betaalbaar per leerder per dag |
|---|--------------------------------|--|--|
| Gewone openbare skole (alle staats-beheerde skole wat graad R aanbied) | NK1–NK5 | Geen fooi nie | R30 |
| | NK4 | Skoolgeld gehef | R21 |
| | NK5 | Skoolgeld gehef | R20 |
| Openbare preprimêre skole | | | R20 |
| Onafhanklike sentrums (alle privaat beheerde skole wat graad R aanbied) | | Geen fooi nie | R30 |
| | | Skoolgeld gehef | R20 |

Toewysing vir leer- en onderrigondersteuningsmateriaal (LOOM) slegs vir geenskoolgeldskole:

- 'n Bedrag van R2 362 per maand betaalbaar vir elke klas wat deur 'n WKOD-betaalde onderwyser/praktisyn onderrig word.

Minimum toewysing slegs vir gewone openbare skole:

- Skole met minder as 25 leerders is daarop geregtig om 'n minimum subsidie van R148 284 per jaar te ontvang.
- Skole met minder as 10 leerders is daarop geregtig om 'n minimum subsidie van R134 112 per jaar te ontvang.

2. **Graad R-subsidie-eise en -betaling**

2.1 Graad R-subsidie-eise word gebaseer op die 2020 Jaarlikse Skoolopname (JSO).

2.2 Dit is belangrik om daarop te let dat:

- alle graad R-leerders op SOBIS vasgelê/geregistreer moet wees;
- elke graad R-leerder by 'n graad R-klas ingedeel moet wees; en
- 'n graad R-onderwyser/praktisyn by elke graad R-klas ingedeel moet wees.

Verseker asseblief dat alle data op die 2020 JSO korrek en afgeteken is. Geen wysigings word toegelaat ná die JSO afgeteken is nie.

Eers nadat die bovermelde vereistes gedoen is, kan 'n eis vir betaling ingedien word. Versuim om aan hierdie vereistes te voldoen, kan daartoe lei dat 'n inrigting sy subsidiebetaling of 'n gedeelte daarvan verbeur.

2.3 As 'n deurlopende proses, moet graad R-subsidie-eise op die volgende manier via SOBIS deur skole/sentrums ingedien word:

- Teken aan op SOBIS.
- Klik "Proceed", kies dan die "Administration"-opsie op die kieslys en klik op "Gr R Subsidy".
- Kies "Submit Application".
- Dui aan "Will you be applying for Grade R subsidy". Kies asseblief "YES/NO".

Voltooi asseblief die toepaslike velde soos vereis en druk die skool se subsidie-eisvorm vir rekorddoeleindes nadat die eis ingedien is. Die skool se subsidie-eis sal elektronies by die toepaslike distrikskantoor ingedien word. Geen verdere optrede word van die skool verlang nie.

Verwys asseblief na die "Grade R Subsidy Claim Application System User Manual" vir gedetailleerde stapsgewyse leiding oor hoe om 'n subsidie-eis suksesvol in te dien.

'n Totale getal van 200 dae per akademiese jaar sal gebruik word by die berekening van die subsidie, waarvan 50% van die toewysing in die April-/Mei-gedeelte en die oorblywende 50% in die Oktober-/November-gedeelte betaal sal word.

2.4 Tydraamwerk

Datums vir die 2020-proses:

April-/Mei-gedeelte (Kwartaal 2 en 3 van 2020-skooljaar)

| Datum | Aktiwiteit |
|---------------|--|
| 13 April 2020 | SOBIS oop vir die indien van eise |
| 17 April 2020 | Finale datum vir skole/sentrums om eise in te dien Let wel: Eise kan nie ná hierdie datum vir betaling ingedien word nie |
| 24 April 2020 | Distrikskantore finaliseer aanbeveling- en goedkeurings-prosesse op EduInfoSearch en teken af op elke eis |
| 15 Mei 2020 | Finale datum vir subsidiebetalings aan skole/sentrums |

Oktober-/November-gedeelte (Kwartaal 4 van die 2020-skooljaar en Kwartaal 1 van die 2021-skooljaar)

| Datum | Aktiwiteit |
|------------------|--|
| 12 Oktober 2020 | SOBIS oop vir die indien van eise |
| 16 Oktober 2020 | Finale datum vir skole/sentrums om eise in te dien Let wel: Eise kan nie ná hierdie datum vir betaling ingedien word nie |
| 23 Oktober 2020 | Distrikskantore finaliseer aanbeveling- en goedkeurings-prosesse op EduInfoSearch en teken af op elke eis |
| 15 November 2020 | Finale datum vir subsidiebetalings aan skole/sentrums |

2.5 Vordering van eis

Die vordering van u skool se eis kan soos volg op SOBIS nagespoor word:

- Teken aan op SOBIS.
- Klik "Proceed", kies dan die "Administration"-opsie op die kieslys en klik op "Gr R Subsidy".
- Kies "Claim status".

3. Geenskoolgeldskole wat graad R aanbied

Geenskoolgeldskole wat graad R-befondsing van die Staat ontvang, mag nie skoolgelde van graad R-leerders vra nie (kyk "National Financial Management Guidelines in Respect of Schools Offering Grade R Classes", Oktober 2009, bladsy 4).

Ouers kan versoek word om vrywillige bydraes te maak. Hierdie bydraes is nie verpligtend nie en mag nie gebruik word om leerders uit te sluit omdat hul ouers nie sodanige bydraes maak nie.

4. **Gebruik van graad R-toewysing**

4.1 **Salaris van die graad R-onderwyser/praktisyn**

Skole word daaraan herinner dat graad R-onderwysers/praktisyns (onderwysers van die beheerliggaam) by alle skole die volle 80% van die subsidietoekenning wat sesmaandeliks per jaar oorgeplaas word, moet ontvang.

Beheerliggame van NK4- en NK5-skole moet die graad R-onderwyser/praktisyn se salaris vermeerder sodat die onderwyser/praktisyn 'n bedrag wat meer is as die minimum van R9 995 per maand, ontvang.

Graad R-onderwysers/praktisyns by geenskoolgeldskole is geregtig op die volle 80% van die subsidie.

4.2 **Leer- en onderrigondersteuningsmateriaal (LOOM)**

Tien persent (10%) van die subsidie is vir LOOM toegewys, insluitend binnenshuse en buitenshuse LOOM tot voordeel van graad R-leerders.

4.3 **Bedryfskoste**

Die ander tien persent (10%) van die subsidie is toegewys aan die betaling van die skool se diensterekeninge, soos telefoonrekeninge, water- en elektrisiteitsrekeninge, kopiëring en drukwerk, skoonmaakdienste vir en instandhouding van die graad R-klaskamer/s, en enige ander dienste wat deur graad R-onderwysers/praktisyns verlang word.

5. **Rapporteringsvereistes**

Soos deur die distrikskantore gekommunikeer is, moet normale rapporteringsvereistes nagekom word om die volgende subsidiebetaling te bewerkstellig.

6. **Finale toewysingsbrief**

Die finale toewysingsbriewe (gebaseer op die 2020 Kitsopname-inskrywings) sal teen 16 Maart 2020 op SOBIS gepubliseer word.

7. **Kontaknommers vir navrae**

| Onderwerp | Naam | Telefoonnommer |
|---|--|---|
| N&S-toewysing en oordragbetalings aan skole en ander graad R-subsidieverwante navrae (N&S-toewysings) | Kontak die toepaslike VKO-bestuurder op distriksvlak | Toepaslike distrikskantoor |
| SOBIS-verwante navrae | Kontak die toepaslike SOBIS-administrateur op distriksvlak | Die SOBIS-ondersteuningskontaknommer kan onder die "CEMIS Support"-opsie op die kieslys verkry word |

GETEKEN: BK SCHREUDER

HOOF: ONDERWYS

DATUM: 2019-11-09